

澚墅關志卷之一

督理澚墅鈔關禮部祠祭清吏司主事陳常夏鑒定

蘇州府吳縣學纂修郡縣志廩膳生員孫 珮纂輯

鄉鎮附疆

志澚者志關非志鎮也奚取乎鄉鎮而志之然關由鎮設

故首列焉

澚墅鎮在蘇州府治西北隸長洲縣彭華鄉去郡二十五里一

名許市圖經云秦始皇求吳王劍發墓見白虎蹲於丘上逐

之西走二十五里失劍不能得地裂為池因名其地曰虎膠

至吳越時諱鏐因改名澚墅按經義水際為澚野田為墅從

澚墅關志

卷一

一

地勢得名

方回過澚墅

太湖晚山雨白鳥去冥冥古塚多無後荒祠豈有靈異峰

巉石骨遠樹聳人形兵革已甦息廢田蒲稗青

澚墅近境

東距虎丘二十里詩賦記序
載山水篇

西距陽山一十三里詩賦記序
載山水篇

南距楓橋二十里豹隱紀談云舊作封橋
後因張繼詩相傳作楓

張繼咏楓橋

月落烏啼霜滿天江村漁火對愁眠姑蘇城外寒山寺夜

半鐘聲到客船

北距望亭二十里

白居易望亭驛酬別周判官

何事出長洲連宵飲不休
醒應難作別歡漸少於愁
燈火穿村市笙歌上驛樓
何言五十里已不屬蘇州

澚墅遠境

東抵崑山縣九十里

西抵吳縣二十里

南抵吳江縣六十里

北抵無錫縣七十里

澚墅關志

卷一

二一

東北抵常熟縣九十里